

इवनिंग डोगरी न्यूज़ बुलेटिन

समे .18:15 Hrs

Headlines

- संसदीय मामले दे मंत्री किरण रिजिजू होरें आखेआ ऐ जे दुनिया गी एह लाजमी तौरा पर पता होना लोड़चदा जे भारत बेशक इक अमन पसंद मुख्य ऐ पर आतंकवादी हमले दा ओह पूरी तगड़ेयाई कन्नै बनकदा परता देग।
- केंद्री राईबाई मंत्री शिवराज सिंह चौहान होरें आखेआ ऐ जे भारत दुनिया लेई अन्नदाना उपलब्ध कराने आहला प्रमुख केंद्र बनना चाहंदा ऐ।
- किश संदिग्ध नकलोहरकत दी जानकारी थोने परेंत राजौरी ते पुंछ जिले च व्यापक तुपाई अभियान चलाया गेदा ऐ।
- उपराज्यपाल मनोज सिन्हा होरें श्री माता वैष्णो देवी श्राइन बोर्ड दा नमैं सिरेआ गठन कीता ऐ।
- ते IP1 च अज्ज लखनऊ च सनराइजर्स हैदराबाद दा मकाबला लखनऊ सुपर जायंट्स कन्नै होग।

<><><><><><>

Rijuju-APD

संसदीय मामले दे मंत्री किरण रिजिजू होरें अज्ज आखेआ ऐ जे दुनिया गी एह जानना बड़ा जरूरी ऐ जे भारत शांति दा समर्थ ऐ, पर आतंकवाद खिलाफ एह सख्त कोला सख्त कार्रवाई करोग। उन्नै आखेआ जे इस सरबंधै च सर्वदलीय प्रतिनिधिमंडल बक्ख-बक्ख मुख्यें च भेजे जा'रदे न जेड़े

दुनिया भरै च भारत दे रौं कन्नै लोकें गी वाकफ कराडन। भारत नै सदा गै रमानदारी दा पक्ख लैता ऐ पर जिसलै कोई रमानदारी च दखल पाने लेई कोई साजश रचदा ऐ तां ओहदी नकेल कस्सना बड़ा जरूरी होई जंदा ऐ। उनें आखेआ जे प्रधानमंत्री नरेंद्र मोदी होरें आप्रेशन सिंदूर पाकिस्तानी आतंकवादिएं आसेआ बेकसूरे निहत्थे लोकें दी हत्या करने दे परते च शुरू कीता। अज्ज लेह च पत्रकारें कन्नै गल्ल करदे होई रिजिजू होरें कांग्रेस आसेआ सर्वदलीय प्रतिनिधिमंडल दी नुख्ताचीनी करने बारै पुच्छे गेदे इक सोआलै दे परते च आखेआ जे शिष्टमंडल मुल्खै दी अगुवाई करोग ना कि पार्टिएं दी।

<><><><><><>

Union-Agri Minister

केंद्री राई-बाई मंत्री शिवराज सिंह चौहान होरें आखेआ ऐ जे इस म्हीने दी 29 तरीक थमां राश्ट्रव्यापी मुहिम विकसित कृषि संकल्प अभियान शुरू कीता जाग ते एह 12 जून तगर जारी रौहग। इस मुहिम दा मकसद करसानें गी अज्जै-कल्लै दियें तकनीकें ते बीएं दी नमीं किस्में बारै जागरूक बनाना ऐ। अज्ज नमीं दिल्ली च इक प्रेस कांफ्रेंसिंग गी संबोधित करदे होई मंत्री होरें आखेआ जे एह अभियान देसै दियें 723 जिलें च चलोग ते तकरीबन डेढ़ करोड़ करसानें तगर एहदी पुज्ज होग। उनें दस्सेआ जे इस दौरान साइंसदानें दी इक टीम करसानें गी सिखलाई देने लेई तकरीबन 65 ज्हार ग्राएं दा दौरा करोग। उनें एह बी दस्सेआ जे हर दिन हर इक टीम जिला सतह पर त्रै मीटिंगां लाग। मंत्री होरें अगगे आखेआ।

<><><><><><>

Serach-Ops

सुरक्षाबलें अज्ज बन्ने आहले जिले राजौरी ते पुंछ च सांझे तपाशी अभियान रम्भ कीते। आकाशवाणी दे जम्मू संवाददाता नै जानकारी दिती जे राजौरी जिले दे बन्ने कन्नै लगदे इलाकें च

संदिग्ध नक्लोहरकत बारै जानकारी थोने मगरा सुरक्षाबलें उत्थे तपाशी अभियान दी शुरूआत कीती। ऐतवारें चिरें राती इक महिला आसेआ नौशहरा इलाके च 3 संदिग्धें दे दिक्खे जाने दी जानकारी पर अमल करदे होई एह कार्रवाई शुरू कीती ही। तोआई, पुंछ जिले दे जंगली इलाके च बी तपाशी अभियान रम्भेआ गेदा ऐ। एह कार्रवाई सुरक्षाबलें दी सांझी टीम आसेआ कीती जा'रदी ऐ।

<><><><><><>

SC-Judge

सुप्रीम कोर्ट नै इक महत्वपूर्ण फैसले च आखेआ ऐ जे अडिशनल जजें सने हाई कोर्ट दे सब्बनं जजें गी पूरी पेंशन ते पेंशनी औने दे बाद आहले सब्बै लाह हासल करने दा हक ऐ। अदालतें आखेआ जे साबका मुख न्यायधीशें गी पेंशन दे रूपै च हर बरे 15 लक्ख रपे थोंगन ते इयां नेई करने पर इसी संविधान दी दफ 14 दे तैहत समानता दे अधिकार दी खलाफवर्जी मन्नेआ जाग। सुप्रीम कोर्ट दे प्रधान न्यायधीश बी.आर गवई ते न्यायमूर्ति ऑगस्टीन जॉर्ज मसीह हुंदी पीठें आखेआ जे सब्बनं जजें गी पेंशन दिती जा भाएं उंदी नियुक्ति जदूं मर्जी होई दी होऐ ते ओह भाएं अतिरिक्त जज दे रूपै च रटैर होऐ दे होन जां फी उनेंगी मगरा पक्का कीता गेदा होऐ, ओह पेंशन दे हकदार ऐन गै ऐन।

<><><><><><>

Kathua-Tiranga-Rally

इकजुटता ते देशभक्ति दी भावना गी दर्शादे होई कठुआ च अज्ज भारती जनता पार्टी आसेआ इक बड्डी “तिरंगा जातरा” कड्डी गेई तां जे आप्रेशन सिंदूर दी कामयाबी दा जश्न मनाया जाई सकै। आकाशवाणी दे जम्मू संवाददाता नै जानकारी दिती ऐ जे इस रैली च हत्थें च राश्ट्री झंडा फड़े दे ते वन्दे मातरम ते सशस्त्र बलें दे जयकारे दे नारे लांदे होई पार्टी दे वरिष्ठ नेताएं, कार्यकर्ताएं,

समर्थकें ते समाज दे बक्ख-बक्ख तबकें थमां लोकें दी बड़ी बद्द गिनतरी च शमलियत दिक्खी
गेई। इस रैली दी अगुवाई सीनियर बीजेपी नेता डॉ. निर्मल सिंह होरें कीती। उन्दे कन्नै कठुआ
थमां विधायक डॉ. भरत शर्मा, जसरोटा थमां विधायक राजीव जसरोटिया ते हीरानगर थमां
विधायक विजय शर्मा बी उत्थे मौजूद हे। तिरंगा जातरा कठुआ दे मुखर्जी चौक थमां शुरू होइयै
शहीदी चौक पर जाइयै सम्पन्न होई। इस दौरान मीडिया कर्मियें कन्नै गल्ल करदे होई डॉ. निर्मल
सिंह होरें आखेआ।

<><><><><><>

Announcement

आकाशवाणी दा क्षेत्रीय समाचार एकांश जम्मू आप्रेशन सिंदूर दे बारे च कल इक विशेष परिचर्चा
प्रसारित करने जा'रदा ऐ। एहदे च हिस्सा लैंगन रक्षा विशेषज्ञ ब्रिगेडियर रिटायर्ड विजय सागर
धीमान जेड़े भारत दे मौजूदा हालात ते आप्रेशन सिंदूर दे बाद दे घटनाक्रम पर अपने विचार
रक्खडन। उन्दे नै गल्लबात करडन स्हाड़े न्यूज एंकर विजय बजाज। सुनना नेई भुल्लेया स्हाड़ा
एह विशेष कार्यक्रम “आप्रेशन सिंदूर” कल मंगलवार 20 मई बड्डलै 8 बज्जियै 45 मिनटें पर
स्हाड़ै इस्सै चैनल पर।

<><><><><><>

SMVDSB-Reconstituted

उपराज्यपाल मनोज सिन्हा होरें श्री माता वैश्वो देवी श्राइन बोर्ड दा नमें सिरेआ गठन करदे होई
9 विशिष्ट हस्तिएं गी अगले 3 बरें लेई एहदा मिम्बर बनाया ऐ। एल.जी हुंदी मंजूरी दे बाद जारी
अधिसूचना मूजब बोर्ड मिम्बरें च स्वामी अवधेशानंद गिरी जी महाराज, प्रो. कैलाश मेहरा साधू,
के.के शर्मा, के.एन राय, मुकेश गर्ग, डॉ. शैलेश रैणा, डॉ. समृद्धि बिंदरू, सुरेश हवारे ते प्रो. विश्वमूर्ति
शामल न।

<><><><><><>

Rana Wildlife Rescue

वन्य जीवों के संरक्षण की दिशा में एक महत्वपूर्ण गैह पोट्टे होई जंगलात मंत्री जावेद अहमद राणा होरें जम्मू के वन्य जीवों के बचाव आहली 10 गड्डिएं गी झंडी दस्सियै रवाना करोआया। इस मौके पर मंत्री होरें जंगली जीए-जैतूँ के बवहार बारे मुकामी समुदायें गी जानकार बनाने के मनुक्खें के जंगली जनौरें बशकार झड़फ़ें गी रोकने की जरूरत पर जोर पाया। उन्हें सरबंघत अधिकारिएं गी निर्देश दिता के ओह जांगली जीए-जैतूँ दिएं रिहायश आहली थाहें के संरक्षण बक्खी मता ध्यान केन्द्रित करन। मंत्री होरें आखेआ ऐ के जम्मू-कश्मीर सरकार, एक ऐसा साजगार म्हौल कायम करने की दिशा में काम करे करदी ऐ जित्थे लोक, बिजन जांगली जीए-जैतूँ गी नुकसान पुजाए के, कुदरत कन्ने तालमेल बनाइयै जीन जी सकन।

<><><><><><>

Kisthwar-Bus Service

लम्मे असें थमां लोकें की मंग गी पूरा करदे होई इंदरवाल थमां विधायक प्यारे लाल शर्मा होरें किशतवाड़ कोला लेइयै वारवान के मारगन टॉप थमां होंदे होई मड़वाह तगर रोज जाने आहली पैहली-पैहली के.के.एस.आर.टी.सी बस सेवा गी अज्ज झंडी दस्सियै शुरू करोआया। एह किशतवाड़ जिले में दूर दूरे इलाकें वारवान के मड़वाह के लोकें लेई एक ऐतिहासिक पल हा। एह बस जनरल बस अड्डे किशतवाड़ थमां हर रोज बड्डलै 6 बजे रवाना होग के संझालै मड़वाह थमां परतोई ओग। इस मौके पर मीडिया आहलें कन्ने गल्ल करदे होई इंदरवाल विधानसभा के विधायक होरें आखेआ।

<><><><><><>

IPL-Cricket

IPL क्रिकेट च अज्ज संझा लखनऊ सुपर जायंट्स दा मुकाबला सनराइजर्स हैदराबाद कन्नै होग। मैच संझा साङ्गे 7 बजे लखनऊ दे एकाना क्रिकेट स्टेडियम च खेङ्गेआ जाग। ध्यानजोग ऐ जे .. च हून इक गै थाहर बाकी रेही गेदी ऐ ते लखनऊ सुपर जायंट्स दी पूरी-पूरी कोश्ट होग ते ओह प्रतियोगिता च बरकरार रौहने लेई अग्गे गै बाहर होई गेदी सनराइजर्स हैदराबाद गी हराइयै अग्गे बदोग। लखनऊ गी प्रतियोगिता च बने दे रौहने लेई अपने बाकी त्रैवें मैच जितने होंगन। कल संझा नमीं दिल्ली दे अरुण जेटली स्टेडियम च खेङ्गे गेदे इक मैच च गुजरात टाइटन्स नै दिल्ली कैपिटल्स गी 10 विकेटें कन्नै हराई दिता ते इक होर मैच च पंजाब किंग्स नै राजस्थान रायल्स गी 10एं रन्जें कन्नै हराई दिता हा।

<><><><><><>